



Publicaziuns dalla vischnaunca, jamna 51

Damonda da baghegiar

2016-1070.000

Datum dalla publicaziun: Ils 23 da december 2016

Ils patruns: Vischnaunca Disentis/Mustér 7180 Disentis/Mustér, Corporaziun d'aua Spina da Vin 7180 Disentis/Mustér, Swisscom (Schweiz) AG, 7000 Cuera, Repower AG, 7130 Glion, Connecta Ag, 7130 Glion, Pendicularas Mustér SA 7180 Disentis/Mustér, Recal AG, 7180 Disentis/Mustér.

Il projectader: Biro d'inschignier Iso Mazzetta Via Lucmagn 7, 7180 Disentis/Mustér

Object: Project d'avertura Acletta – Funs, (canalisaziun, provediment d'aua, electricitad, tele fonia ed internet, scaldament lontan), parcelas 505, 1142, 1257, 1293, 1295, 1299, 1300, 1303, 1328, 1329, 1330, 1338, 1339, 1343, 1554, 1563, 1567, 1568, 1574, 1590, 1591, 1592, 1598, 1657, 1658, 1662; Acletta Ost, Acletta Sid, Sax e Funs, 7180 Disentis/Mustér.

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 21 da december 2016

Uffeci da baghegiar Disentis/Mustér

Cussegl da vischnaunca

Preavis davart la seduta constitutiva

Venderdis, ils 13 da schaner 2017 allas 19.00 ha liug en halla Cons la seduta constitutiva dalla nova perioda d'uffeci.

Cun quella occasiun vegnan las autoritads communalas saramentadas. Quella manifestaziun ei publica e destinada per l'entira populaziun.

Suprastonza communal

Referendum facultativ spiraus

Ils 17 da november 2016 ha il cussegl da vischnaunca approbau unanimamein aschibein la revisiun parziala dalla lescha santeri sco era il preventiv 2017.

Encunter quellas decisziuns ei enteifer il termin fixau buca vegniu fatg diever dil referendum, aschia che la revisiun parziala dalla lescha santeri ed il preventiv 2017 ein approbai definitivamein.

Suprastonza communal

Reducziun individuala dallas premias dalla cassa da malsauns 2016

Persunas e famiglias che vivan en relaziuns economicas mudestas san, risguardond certas premias, dumandar contribuziuns vid las premias dall'assicuranza da basa obligatoria per la tgira da malsauns (LAM).

Persunas che han uonn aunc buca fatg diever da quei dretg, san far quei entochen **la fin digl onn 2016 (davosttermin, datum dil bul da posta 29-12-2016).**

Informaziuns, basa legala, muossavia ed il formular d'annunzia ein d'anflar sin la pagina d'internet www.sva.gr.ch). Ils formulars san era vegnir retratgs tier l'administraziun communal.

Per damondas stat il persunal dall'administraziun communal bugen a disposiziun.

Administraziun communal



Lenna da brisch per liung dalla lingia da tensiun alta Swissgrid

Sut la lingia da tensiun alta dalla Swissgrid ha il Menaschi tecnic pinau ogra che periclitava il conduct electric. Nua che parcellas privatas ein stadas pertuccadas, s'auda la lenna als proprietaris privats. La lenna ch'ei vegnida pinada sin terren communal ei denton venala. Interessents per quella lenna da brisch ein supplicai da s'annunziar a scret tier il selvicultur communal, Simon Cathomen, caum postal 57, 7180 Disentis/Mustér ni per e-mail; uaul@disentis.ch.

Uffeci forestal Disentis/Mustér

Controlla da habitonts

Mortori

Margretha Catrina Maissen-Deflorin, naschida ils 7 da fevrer 1931, morta ils 18 da december 2016

Novas purschidas per senioras e seniors el Puntreis Center da sanadad SA a Mustér

La vischnaunca dispona d'in post da cussegliaziun per senioras e seniors. El ei vegnius realisau dalla vischnaunca da Mustér en connex cun il project Seniors-Ca e cun la Pro Senectute. Il post se sanfla el Puntreis Center da sanadad SA.

Sclariment per damondas en connex cun il tema vegliadetgna survegnis Vus mintgamai naven da gliendisdis entochen venderdis dallas 8.00–12.00 e dallas 13.30–16.30 e quei per telefon sut 081 929 56 56 ni directamein el Puntreis.

Per in termin cun la Pro Senectute essas Vus supplicai da contactar il menader dil post da cussegliaziun dalla Pro Senectute, e quei sut la numera da telefon 081 92543 26. El ei mintgamai presents a Mustér la tiarza gievgia dil meins, e quei a partir dils 19 da schaner 2017.

Bugen stein nus a disposiziun per Vossas damondas.

Puntreis Center da sanadad SA

Nossa scola populara Mustér

Nova mussadra da scoletta Regina Giger-Caminada

Cun l'entschatta dil niev onn da scola 2017/18 arva nossa scola populara ina tiarza partiziun da scoletta. Il cussegl da scola da Mustér ha elegiu en sia seduta dils 20 da december Regina Giger-Caminada da Segnas sco nova mussadra da scoletta. Nus giavischein a Regina bia plascher e satisfacziun en sia nova sfida e selegrein sin ina buna e fritgeivla collaboraziun.

December 2016

Nossa scola populara Mustér, il meinascola

17. Fiasta federala d'acordeon 2016

Fiasta d'engraziament

Pil beingartegiar da nossa fiasta federala d'acordeon 2016 havein nus astgau retscheiver il grond sustegn da biaras voluntarias e biars voluntaris. Sco segn d'engraziament e per schar reviver quella biala fin da jamna s'entupeiin nus **sonda, ils 18 da mars 2017** naven dallas 19.00 en halla Cons. Reservei quei termin. L'invitaziun persunala suonda pli tard.

Nus giavischein a Vus ed a Vossas famiglias bialas fiastas da Nadal ed in bien niev onn.

Flavio Murer, pil CO 17. Fiasta federala d'acordeon 2016



Café da sentupada

Gievgia, ils 5 da schaner 2017, 15.00–17.00 en l'Aua Viva a Mustér-Raveras. Grüezi – Beinvegni – in discuors cun asilants dil TRZ Bellavista Mustér

«Communicaziun ei buca tut, denton senza communicaziun ei tut nuot» – Nus envidein Vus cordialme in ad ina sentupada e discuors cun asilants dil TRZ Bellavista Disentis. Tier caffè e tustgets emprendin nus ad enonuscher in l'auter e dein ad els la pusseivladad da trenar tudestg. Il café da sentupada vegn organisaus dad asilants dil center da transit ensemen cun voluntaris dalla pleiv S. Gions Mustér e la pleiv dalla baselgia evangelica dalla Cadi

Begegnungscafé

Donnerstag, 5. Januar 2017, 15–17 Uhr im Gemeindezentrum Aua Viva Disentis-Raveras. Grüezi – Beinvegni – im Gespräch mit Asylsuchenden des TRZ Bellavista Disentis

«Kommunikation ist nicht alles, aber ohne Kommunikation ist alles nichts» – Wir laden herzlich ein zur Begegnung und zum Gespräch mit Asylsuchenden aus dem TRZ Bellavista. Bei Kaffee und Gebäck lernen wir einander kennen und geben ihnen die Möglichkeit, besser Deutsch sprechen zu lernen. Das Begegnungscafé wird von Asylsuchenden des Transitentrums gemeinsam mit Freiwilligen der Pleiv S. Gions Mustér und der Ev.-ref. Kirchgemeinde der Cadi organisiert.
